

на плащаницах святые. В том же монастыре был господин, и нам ту же бывшим, и та вся видехом. А погребение же умерших тех старцев в устроенных тех монастырех, и гробы их, новоумершаго старца вькла-
 а. 124 дают, а ветхыя || кости вынимают, и кладут в костер, и на них смотрят, поминают час смертныи. В том же граде делают камки и аксамиты с златом. Товара же всякого множество и садов масличных, и тех маслиц древяное масло. И есть в граде том икона чюдотворна, образ пречистыя божия матере; и есть пред иконою тою в божнице исцелевших людей за 6 тысяч доспети воцаны, в образ людей тех, аще кто застрелен, или слеп, или хром, или без рук, или велик человек на коне приехав, тако
 а. 124 об. устроени, яко живи стоят, или стар, или ун, или жена, или девица, или отроця, || или какого портище на нем было, или недуг каков в нем был, и како его простило, или какова язва, тако то и стоит доспет. И ту же сукна скорлатные делают. Ту же видехом дровие кедры и кипарисы; кедр как руская сосна, много походило, и кипарис корою яко липа, а хвоею яко ель, но мало хвоею кудрява и мягка, а шишки походили на сосновую. И есть во граде том божница устроена велика, камень морьмор бел, да черн; и у божницы той устроен столп и колоколница, тако же
 а. 125 белы камень морьмор, а хитрости ея не||доуметь ум наш; и ходихом в столп той по лествице, и сочтохом степеней 400 и 50. В томъ же граде видехом лютых зверии 22. А около града того стена 6 миль.

Шесты на 10 собор⁵⁷ в граде Флорензе месяца февраля⁵⁸ 26.⁵⁹ Седмыи на 10 собор месяца марта в 2.⁶⁰ Осмыи на 10 собор месяца того же в 5.⁶¹⁻⁶² Девяты на 10 собор месяца того же в 10.⁶³ Двадесятый собор месяца того же в 7.⁶⁴ 21 собор месяца того же в 14.⁶⁵ 22 собор месяца того же в 17. 23 собор месяца того же в 21.⁶⁶ 24 собор
 а. 125 об. месяца того же в 24.⁶⁷ 25 собор месяца маиа в 2.⁶⁸ Деспот царев брат || поиде от собора к Царюграду из Флорензы месяца июня⁶⁹ 25.⁷⁰

Месяца иулиа в 5⁷¹ собору бышу велику, и тогда написаша грамоты събора их, како веровати⁷² в Святую Троицу и подписа папа Еугении, и царь греческыи Иоан, и вси гардиналове, и митрополиты подписаша на грамотех коиждо своею рукою.

В том же граде видехом черви шолковыя, да и то видехом, как шолк той емлют с них.

Месяца того же в 6⁷³ служил обедню папа Еугении опресноком в соборной божнице в имя пречистыя богоматере, а с ним гардиналов 12, а
 а. 126 бискупов || 93, опричь каплонов и диаконов. Царю же греческому Иоану, седящу ему на уготованном месте, зрящу службы их, и вси бояре его с ним; и митрополитом ту же седящим на уготованных местех в всем святительском сану, тако же и анрхимандриты, и хартофилакове, и попове, и диакони, оболчени кождо в свои сан, и калугерове ту же седяще на уготованных местех, зряще еже служат; тако же и от грек и от руси миряне седяще; места же те высоци чрез люди зряще. Народу же толику
 а. 126 об. ту сущи, чтобы их пуцали, то бы много задушенных || людей было;⁷⁴ но подвоиские папины хожашу в пансырех сребряных, и палици в руках дръжаше, и не дадуше наступати; а иные свещи виты дръжаше в руках зажъжены, и теми к народом махаху, чтобы не наступали. И по службе нача молебен пети со своими, и по молебен седе папа посреде собора того на уготованом ему высоце престоле возлащене, и близ его поставиша

⁵⁷Доб. бысть М. ⁵⁸Доб. в М. ⁵⁹Доб. день М. ⁶⁰Доб. день М. ⁶¹⁻⁶²Доб. день М. ⁶³Доб. день М. ⁶⁴Доб. день М. ⁶⁵Доб. день М. ⁶⁶Доб. день М. ⁶⁷Доб. день М. ⁶⁸Доб. день М. ⁶⁹Доб. в М. ⁷⁰Доб. день М. ⁷¹Доб. день М. ⁷²Испр. по М.; в ркп. вероти. ⁷³Доб. день М. ⁷⁴Доб. из М.